



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

2. De desponsatione impuberum

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

sive error det causam contractui, sive ex alio dolo proveniat, matrimonium non dirimitur, quòd reddat tantum involuntarium secundum quid. Potest tamen per accidens fieri, ut matrimonium sit nullum. 1. Si error qualitatis redundet in errorem personæ, nimirum si talitas est simul cum persona intenta. 2. si qualitas in conditionem deducatur, conditio enim non impendit consensum, & consequenter dum dicitur consensus simul & contractum deficere facit.

Resp. 3. Si alteruter vel uterque contractum per errorem credat, se laborare impedito dirimente, quod revera non subest, valde utile matrimonium, modo contrahentes, quantum in se est, intendunt consentire. Ratio, quia tales personæ ex una parte sunt verè habiles ad contrahendum, cum revera non laborent impedito; ex altera verò parte intendunt, quantum possunt contrahere; ergo verè contrahunt.

TITULUS II,

De Desponsatione impuberum.

Q. 1. Quenam ætas ad sponsalia de futuro requiratur? Resp. Tam quoad masculinam quam fœmellam jus statuit septennium. c. 4. §. h. t. & c. un. eod. in 6.

Q. 2. Si usus rationis septennium antea impletum inita sponsalia an sponsalia ante istud, impletum inita subsistant? Resp. Quòd de jure naturæ subsistant, certum est.

de jure positivo probatur ex *c. juvenis. 3. de spon-*
sal. l. 14. ff. ibid. Deinde in matrimonio mali-
 tia ætatem supplet, cur non in sponsalibus? Si
 verò malitia seu prudentia ætatis defectum non
 supplet, septennium debet esse physicè comple-
 tum. Ratio; quia quoties à jure determinatur
 aliquod tempus, id physicè compleri debet, ut
 patet in 14. ætatis anno ad condendum testamen-
 tum requisito, & in 16to, ante quem noluit
 Trid. valere Professionem.

Q. 3. An & qualiter liceat resilire à sponsali-
bus contractis tempore impubertatis, scil. intra 7.
& 14. aut respectivè 12. atatis annum? Resp. Si
 uterque, dum contraherentur sponsalia, fuit im-
 pubes, neuter in impubertate à sponsalibus po-
 test resilire. *c. 7. h. t.* ne ob fragile judicium teme-
 rè ineantur & temerè sponsalia dissolvantur. Pu-
 bertatem adepti, vel uterque vel unus, invitâ al-
 tera parte, absque aliâ causâ possunt sponsalia in
 impubertate inita dissolvere. *c. cit.* neque qui priùs
 pubertatem adeptus est, exspectare tenetur, quoad-
 usque alter pubes fiat. Imò procedunt hæc,
 etiamsi sponsalia in impubertate fuissent jura-
 ta, quia juramentum sequitur naturam actûs;
 nisi tamen impuberes juratò contrahentes pro-
 ximi sint pubertati *c. 10. de sponsal.* Si pubes,
 juvenis v. g. 16. annorum contraheret sponsalia
 cum puella 10. annorum, is resilire non po-
 test, licèt illa possit pubertatem adepta. *c. 7.*
h. t.

B 4

Q. 4.

Resp. 3. Ad valorem matrimonii à liberis contracti consensus parentum non requiritur. *Trid. sess. 24. c. 1. de reform. matr.* Imò hi peccant graviter, dum absque justa causâ matrimonia liberorum impediunt. *c. fin. de jud. in 6. uti & regulariter liberi, dum parentibus inconsultis & invitatis ad matrimonia provolant. arg. can. 13. caus. 32. q. 2.* possuntque ideo non quidem exheredari jure communi per *Nov. 115. c. 3.* jure tamen speciali & pœna exheredationis & aliâ à Magistratu etiam sæculari statui possunt. Ita praxis habet multarum Provinciarum; quia hujusmodi Legibus magna affertur Reip. utilitas; & si à Fundatoribus certæ conditiones primogenituris & majoratibus possunt adjici, ne v. g. judaico sanguine infectis nubant, cur non & Magistratus statuta ejusmodi possit condere.

TITULUS III.

De Claudestina desponsatione.

Q. I. Quotupliciter matrimonium dicatur clandestinum? *Resp.* Duæ sunt species matrimoniorum, clandestinorum à jure reprobatorum, & punitorum, dum vel contrahuntur absque præsentia Parochi & testium, & hæc dicuntur *clandestina simpliciter*; vel dum contrahuntur sine præmissis denuntiationibus, & hæc vocantur *clandestina secundum quid*, & huic clandestinitati non obstat, etsi de cætero contrahantur in medio foro ac plena Ecclesiâ.

B 5 Q. 2.